



UNIVERSITÄTS-  
BIBLIOTHEK  
PADERBORN

## **Institutiones Canonicæ**

**Schnorrenberg, Anno**

**Coloniae, 1740**

IX. Ratum quis habere non potest, quod ipsius nomine non est gestum.

---

[urn:nbn:de:hbz:466:1-62040](#)

Prælatorum. *Cap. cum dilectus. 2. de calumniat.* Hinc calumniosa Diaconi à Subdiacono facta accusatio gravi mulcetur pœnâ in *cap. 1. de calumniat.* Dum Subdiaconatus officio privatus, verberibus publicè castigari, & in exilium deportari jubetur. Nisi ergo quid singulare, quo animus Pontificis contra Episcopum moveri, & ad inquirendum incitari posset, accusator *Theobaldus* attulerit, omnino rejiciendus est.

(G) Juxta Regulam à *Theobaldo* capacitatis ad beneficium justè Episcopus exigit probationem, nec impetranti patro-

cinatur *cap. adudum. fin. de presumpt.* ubi impetranti rescriptum ad beneficium cum clausula: *Si persona idonea fuerit,* necessitas se idoneum probandi non imponitur. *Cit. enim cap. rationem addit:* *Cum primâ facie presumatur idoneus, nisi aliud in contrarium ostendatur.* Cùm vero *Theobaldus* semel ob incapacitatem in examine Synodali fuerit rejectus, nec cum ex post aliquando admissum fuisse constet, recte adhuc incapax presumitur; quapropter Episcopus ei providere non tenetur, nisi de novo examen subierit, & idoneitatem suam probaverit.



## REGULA IX.

*Ratum quis habere non potest, quod ipsius nomine non est gestum.*

**Q**uæres primo. Quid & quotuplex est fictio juris?

¶. Fictio juris est, quando jus fingit aliquid esse, quod non est, & hæc triplex est: *Inductiva, privativa & translativa.* Fictio *inductiva* est, quando lex vel Canon fingit aliquid esse, quod non est, sic defunctum in jacente hæreditate fingit vivere, qui tamen non vivit. *L. non minus. 31. ff. de hered. instituend.* Fictio *privativa* est, quâ aliquid non esse fingitur, quod re ipsâ est, ut Religiosus, qui vivit, pro mortuo habetur. *Can. placuit. 8. caus. 16. q. 1.* Demum *translativa* est, quando actus ab uno agente, uno tempore, uno loco, aut

modo factus à jure habetur, quasi ab alio agente, alio tempore & loco gestus fuisset, ita ratum habens vel approbans, quod à Procuratore suo nomine gestum, facit, quod suo nomine actum ab alio, fictione *translativâ* ab ipsomet gestum reputetur. *L. quo enim. 12. ff. rem ratam hab.*

Quæres 2. Quis hujus Regulæ sensus?

¶. Id, quod ab alio gestum est, ut quis ratum habendo per translativam juris fictionem suum faciat, requiritur, ut agens rem non proprio suo, aut alterius tertii, sed ipsius ratihabentis nomine illam gesserit. Ratio est: quia vera ratiabitio facit negotium per fictionem juris translativam suum, negotium autem,

quod



quod neque per nos , neque per eos , quos in potestate habemus , neque mandato nostro effectum est , nostrum fieri nequit , nisi nostro perficiatur nomine , ut enim nostrâ ratihabitione negotium fiat nostrum , ejus à quo , & cuius negotium facimus , mutuus requiritur consensus . Exemplum est : Titius Clericum suum inimicum proprio nomine indignè tractat , quamvis ego factum Titii comprobando ratumque habendo graviter delinquam , excommunicationem tamen non incurro , quia percussio non meo , sed Titii nomine facta est . Cap. cum quis . 23. de sent. excom. in 6.

Quæres tertio . Qui sunt casus ab hac Regula excepti ?

qz. Sequentes : 1mūs. Electionem

Prælati Capitulares absentes à præsentibus contempti , nec ad electionem vocati propter bonum pacis ratificare possunt . Cap. quod sicut . 28. de eleēt. 2dūs. Donationem Ecclesiæ à Laico indebet factam Episcopus licet & validè ratificat . Cap. cura . 11. de iurepatron. 3tūs. Alienatio rei Ecclesiastice à Prælato facta per Capitulum ratificari potest . Cap. cum nos . 3. de his , qua fiunt à Prælat. 4tūs. Ventionem & oppignorationem rei suæ ab alio nomine proprio attentatam Dominus ratificando validare potest . L. si fundus . 16. ff. de pignor. & hypoth. 5tūs. Si pater vel dominus negotium à filio vel servo proprio nomine gestum ratificat , suum facit . L. si res . 5. ff. de in rem verso .

## C A S U S .

**V**Incētius Capituli Collegiati Decanus , sciente nec contradicente Capitulo partem decimarum vendit . (A) Pro superfluo tamen ventionem à Capitulo postea ratificari curat . (B) In ratificationem consenserunt omnes Canonicci duobus exceptis , quorum unus graviter in Decanum invectus varias calumnias ei publicè in Capitulo objicit . (C) Quod audientes servi Decani , rei indigitate commoti , pro vindicando Domino , cui gratum futurum , quod agebant , existimabant , Canonicum istum

egregiè delumbârunt . (D) Quo cognito servorum factum laudavit & approbavit Decanus . (E) Peccati tamen gravitatem agnoscentes servi ex rebus Decani excessivas nomine ejus fecerunt eleemosynas , quod ipse resciens laudavit . (F) Ad extrema deveniens è patrimonio suo villam cum jure patronatus monasterio Canonicorum Regularium , Zenodochio verò centum Imperialium annuos redditus inscio , sed ratihabente postea Episcopo donavit . (G)

## R E S O L U T I O .

(A) A Lienationes rerum Ecclesiastica-  
rum , si temporales fuerint ,

factæ Capitulo sciente nec contradicente  
tolerantur per cap. continebatur . 2. de his ,

G 3

qua



qua sunt à Pralat. Perpetuae tamen, quales sunt donatio, venditio, vel communitatio, irritae sunt, nec in illo foro valorem obtinent, quia collaudatio & subscriptio Clericorum seu Capituli intervenire debet. *Cap. 1. de his, qua sunt à Pralat.* Ex quo patet non sufficere Capituli cum scientia taciturnitatem.

(B) Non erat superflua Capituli ratificatio, cùm sine ea, ut dictum, contractus venditionis invalidus esset; Capitulum autem alienationem, etiam eo reclamante, factam ratihabendi obtinere facultatem liquet ex cap. cum nos. 3. de his, qua sunt à Pralat. &c.

(C) Quanquam alienationi illegaliter factae quilibet de Collegio Canonicus contradicere, remque sic alienatam cum fructibus repetrere valeat. *Cap. si quis Presbyterorum. 6. de reb. Eccles. non alienand.* Ratificatio tamen à majori & saniori parte Capituli facta obtinebat, in rebus enim Capitularibus nisi à paucioribus & inferioribus aliquid rationabiliter objectum fuerit & ostensum, appellatione remotâ prævaleret temper, & suum consequitur effectum, quod à majori & saniori parte Capituli fuerit constitutum. *Cap. 1. cap. ex parte. 4. de his, qua sunt à maj. part. Cap.* Quare si absque consensu duorum contradictorium in ratificationem major & sanior pars Capituli descendebat, ratificatio subsistebat, cùm unus in Decanum excandescens suâ passione se è saniori parte non esse probaret, propter excessum contra Superiorum graviter puniendus. *Arg. cap. dilectus. 11. de pénis.*

(D) A servis tamen Decani puniri non

poterat, ideoque ipsi Canonicum percutiendo enormiter deliquerunt, & excommunicationem, etiò occultè factum perpetrârunt, summo Pontifici reservata incurretur. *Cap. non dubium. 5. cap. porro. 7. cap. tua nos. 1. 9. de sent. excom.*

(E) In cap. cum quis. 23. de sent. excom. in 6. statuitur, quod cùm quis absque mandato manus injicit in Clericum nomine alterius, si iste hoc ratum haberit, excommunicationem latam à Canone incunctanter incurrit, cùm ratiabitio retrotrahatur, & mandato debeat comparari. Cum igitur servi vindictam nomine Domini in personam Canonici exercuisse videantur, ipsum Decanum factum iniqnum approbantem & ratihabente excommunicationis tententiam incurrisse non ambigitur.

(F) Domestici quanquam facultatem pauperibus ex rebus Domini eleemosynas largiendi habeant, ea tantum de ordinariis intelligenda est eleemosynis, unde servi extraordinarias dare nequivant; quia autem excessum nomine suo factum Decanus ratificavit, servi ab one re restitutionis liberi existuant. *Arg. L. si indebitum. 1. 6. ff. rem ratam haberi.*

(G) Episcopus donationem Zenodochio factam licet ratificat. *Cap. cura. II. de jure patron.* Ad acquirendum autem jus patronatus Ecclesiæ Regularium datum nec consensus, nec ratificatio Episcopi requiritur, quamvis per talē donationem juri Episcopali non derogeretur.

*Cap. illud. 8. cap. cum seculum. 12. de jure patron. cap. unic. eod. in 6.*

R.E.

